



Број: 01-6-04-6-4098-3/24  
Датум: 6. јун 2024. година

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 10-06-2024

Organizaciona jedinica	Klasifikaciona oznaka	Redni broj	Broj priloga
01-50-1-15-18/24			

**ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ  
ПРЕДСТАВНИЧКИ ДОМ  
Н/р Саше Магазиновића**

**ПРЕДМЕТ:** Посланичко питање, одговор, доставља се

**ВЕЗА:** Ваш акт број: 01-50-1-15-18/24 од 21. маја 2024. године

У прилогу акта достављамо одговор на питање које сте поставили усмено на 18. сједници Представничког дома Парламентарне скупштине Босне и Херцеговине, одржаној 21. маја 2024, те затражили да се одговор достави у писаној форми.

С поштовањем,

**ПРИЛОГ:**

- Као у тексту (2 стр)

**ДОСТАВИТИ:**

- Наслову,  
- А/а.





Broj: \_\_\_\_\_

Sarajevo: \_\_\_\_\_ godine

## ODGOVOR

Saša Magazinović, zastupnik u Zastupničkom domu Parlamentarne skupštine Bosne i Hercegovine, na 18. sjednici Zastupničkog doma, održanoj 21. 5. 2024. godine, postavio je sljedeće **usmeno** zastupničko pitanje:

„Pitanje je sljedeće, na pitanje novinara o situaciji gdje je jedna osoba žalbama preko više kompanija čiji je vlasnik blokira nabavku oružja za državne sigurnosne agencije više od sedam mjeseci, ministar Nešić je odgovorio, citiram – Saši Magazinoviću je vjerovatno malo dosadno pa se bavi tako nebitnim temama. Dakle, za njega je nebitna tema što u procesu žalbi neosnovanih se blokira nabavka i opreme za državne sigurnosne agencije. Čak i da zanemarimo da se ovdje ne radi o mojim navodima, nego o zvaničnoj informaciji Agencije za policijsku podršku upućenoj Komisiji za odbranu i sigurnost gdje se spominje i ugrožavanje sigurnosnih interesa BiH, biti ministar sigurnosti i reći da je to nebitna tema je sramotna izjava za koju očekujem da se ministar koriguje.

Pitanje je sljedeće: - Da li imate privatnu, poslovnu ili negu drugu vezu ili interes sa kompanijom ili osobama koje svoje nepotpunim žalbama i zloupotrebama Zakona o javnim nabavkama zaustavljaju nabavke oružja i opreme za sigurnosne agencije na nivou BiH? Da li još uvijek to smatrate nebitnim i šta mislite poduzeti?

Drugo pitanje: - Kada će se ministar uvaženi početi baviti svojim poslom, kada će učiniti bilo šta za uposlene u sigurnosnim agencijama u smislu plata i uslova rada jer svi znamo da ljudi zaposleni u državnim sigurnosnim agencijama imaju niže plate od onih uposlenih na nižim nivoima vlasti?“

Na postavljeno zastupničko pitanje, ministar Nenad Nešić je dao sljedeći pisani

## ODGOVOR

Ministarstvo sigurnosti BiH je zaprimilo informaciju od Agencije za policijsku podršku da, u skladu sa Pravilnikom o postupku dodjele ugovora u oblasti odbrane i sigurnosti („Službeni glasnik BiH“ broj 60/15), provodi ograničen postupak nabavke oružja i policijske opreme za policijska tijela Bosne i Hercegovine. Dalje, navode da su do sada četiri žalbe u navedenom postupku odbačene zaključcima Ureda za razmatranje žalbi, iz razloga što nije plaćena taksa. Ugovorni organ je zaprimio i petu žalbu koja je sa izjašnjenjem Ugovornog organa prosljeđena Uredu za razmatranje žalbi.

Prema informacijama Agencije za policijsku podršku, navedeno upućuje da postoje indicije da se radi o zloupotrebi prava na žalbu, gdje osoba putem različitih firmi sa kojima je povezana ulaže neosnovane žalbe par dana prije isteka roka za dostavu zahtjeva za učešće, ne plaća takse, pokušavajući da utiče na kvalifikacije.

Ministarstvo sigurnosti BiH nema nadležnost, niti može da se miješa u proces javnih nabavki, jer bi to predstavljalo krivično djelo ili bi se moglo tumačiti kao pritisak na nadležnu instituciju da donese odluku u korist neke od zainteresiranih strana. Sa svoje strane možemo samo sugerisati Agenciji za javne nabavke BiH da se u procesu rješavanja žalbi da prioritet nabavci opreme neophodne za redovno obavljanje policijskih poslova.

Insinuacije o postojanju veza ili interesa sa kompanijom koja se žalila, a kojoj se čak ne spominje ni ime, iznesenih bez ikakvih argumenata, smatramo neodgovornim i zlonamjernim.

Dalje, sadašnje rukovodstvo Ministarstva sigurnosti BiH je napravilo najveći iskorak kada je u pitanju jačanje sigurnosti, ispunjavanje obaveza i napredak na evropskim integracijama. Ti rezultati prepoznati su i afirmativno ocijenjeni i u izvještaju Evropske komisije.

Podsjećamo da su tokom ovog mandata sigurnosne agencije dobile više od 100 specijalističkih vozila, najsavremeniju opremu za nadzor u vidu mobilnih termalnih kamera i drugu višemilionsku opremu koja će unaprijediti i olakšati rad policijskih agencija.

Naša posvećenost povećanju finansijskih primanja i poboljšanja uslova rada policijskih službenika ostaje u vrhu prioriteta. Ali kao što znate, dalje povećanje plata, zavisit će od raspoloživih sredstava i visine budžeta koji bude usvojen za ove namjene, a što samo nije u direktnoj nadležnosti i ne zavisi samo od opredjeljenosti ovog Ministarstva.